

AR BRADERI

WAR DON : *Ar Plac'h a savas beure mat.*

— Alo, a lâris da Jako,
Te hag a welan, 'boue pell 'zo

DISKAN

— Tra la la la la la lan la,
Tra la la la la la lan la !

O klask, da baran da votez,
Eur votez all, ha ne gavez.
Sell deut eur c'haer a zigare
D'it da zibab eur garante ;
Arc'hoaz eman ar braderi ;
Eno, hep mar, vo da hini.
Goude beza, epad ar bloaz,
Meur a varc'had hag a foar vras ;
Vidout, Jako, ne oa hini,
Ken zo savet eur braderi.

Ar re yaouank gemere troad
E pep foar hag e pep marc'had ;
D'ê an hent bras hag ar pave.....
Hirie, Jakaou, e voint d'it-te !
Hirie war bale ne vo ken
Nemet treou koz ha diberc'hen ;
Hirie, Jakaou, pep koz votez
A dle, sur, kaout he farez.

**

Jako lakat e votou lâr,
E dog bleo gê, ha dao e kêr !.....
Ma lâre, seder, pop kammad :
« A ! Sell aze, 'vat, eur sonj mat !... »

Pan arruas 'n korn ar vali,
Piou a welas eno ? Juli,
Juli, e vestrez koz gwechall.....
Hag hen kregi 'n he brec'h raktal.

— An treou 'zo drôl ! eme Juli ;
Out deut ive d'ar braderi ?
— An treou 'zo drôl ! eme Jakaou ;
Memez sonj hon eus bet hon daou.
Mar karez, hirie 'man an devez,
Me vo da bar, te ma farez !....

Ha pa vefomp distro e-berr,
Ni yei da gât an Otrou Mêr.

An Otrou Mêr d'imp a laro :
« N'an oc'h ket aet arôk ho tro ! »

— Aet vijemp bet, ma pije c'houi
Graet, 'boue pell 'zo, eur braderi !....

Ma fe ya, setu 'r pezh 'zo kôz !....
C'hoaz vijent bet o 'n em c'hortoz

Panevet deut ar braderi
Da zimez Jakaou ha Juli.

Dimerc'her kentan 'man 'n eured,
Deut 'ta, tud vat, holl oc'h pedet !

DISKAN

— Tra la la la la la lan la,
Tra la la la la la lan la !

AR C'HERNEVAD KOZ.

E 2100



Piou 'zo spontet gant ar c'hi drouk-man ?